



The Makuilongdi Express

Liangmai Daily Newspaper

“Mazibo niu ngamne”

19th Sunsilk Mega Miss North East ga Manipur maipui Chanchui khatdi Nirupama tathuan doulu we



Page 2

Minister munhu Awangbo Newmai niu PMGSY npuidi Takou gasu Kadi-II kakga taliukhaibo hai quality kahabo changam me, Contractors dungniu rangkang दौरा leng ronna changam kam bo hai mangam bui siak ye chiujiu social media ga dinne.




Zengtung 11 Kajinghiu 2023, Machanai-Office Gaililong, Tamei. PO-Tamei, Tml. Dist. Manipur Vol.II. Issue 22 page 1

“I hai kawibo mily khuanpiu-e, milydung leng shai khai raleng kadenlubo piu-e”.

John 10:11

Nagaland ga tingthiubo nkiiu khangbo hai tingmikpui 5 lung ga dousune : IMD



Dimapur, kajinghiu 9:

Nagaland khatdi India gu pabam kakeng ga tingthiubo hai 2-4 degree celsius nkiukhang bo jiang 5 dousune chiujiu India Meteorology department niu kajinghiu 9 bonai sikhai ye. chiujiu All Indian summary and Forecast Bulletin niu dinkhaibo si kajinghiu 9-13 lunga state gu pabam kasia ga tingsa bo si dousune.

Nagaland ga kumjiu North East states dung Assam, Meghalaya, Manipur, Mizoram khatdi Tripura ga di tingsa bo si douba suiye. Tingthiubo haisi North East nai Western Himalayan lunga bambo makjiu kaki bo ga si 3-5 degree celsius nkiukhang bo suiye.

Chiujiu sibosai kajinghiu 14 gasu ting hai kang mi sune chiujiu Bulletin niu dinne.

-Marung exp.

INVITATION

Open essay writing competition
on
PRESERVING PIULONG MEADOW

with
Exciting PRIZES
1st - Rs. 3000
2nd - Rs. 2000
3rd - Rs. 1000

LANGUAGE - ENGLISH
WORD LIMIT - 1000 TO 1200
LAST DATE OF SUBMISSION - 30.04.2023

to be submitted at
liangmaifoundation@gmail.com

org by
The Makuilongdi
Express

Manipur ga zaw gu policy phuimawijiu taliu katin khaira pageng bam mide



Imphal, kajinghiu 8:

Chief Minister Secretariat ga Nidwangnai kakung bo makhiam hai Manipur ramlung ga zaw jonbo khatdi taliu padbo lamga makhiam khai mide. Haibo makhiam gu bampi hai Chief minister N Biren niu lukhai ye, siga expert committee niu Manipur ga liquor policy tadkiura bo gu pathiak pajai hai cabinet ministers dung masong ga powerpoint gasu linkhai ye.

Chiujiu experts committee niu phiupadbo si manipur gasu taliu kapadbo zaw kasia ga aliu mipum kam masha kasuibo chapiu jou we chiujiu dinne. Expert committee dungniu powerpoint gasu Manipur ga zaw sak katanbo chamai kakeng niu pasiin ra mara jiu shaibo padbo hai aliu manipur ga taliupadjiu bam mai dung niu quality control kam mak bo donniu we chiujiu lenkhai ye.

-Sangai Exp.

India ga covid case 5,880 kasanbo doulan jiu bam me



New Delhi, kajinghiu 10:

India ga Covid cases kasan bo wangchak 24 lung gasu 5,880 doulan jiu bam me chiujiu Union Health Ministry lamsu mennai din ne.

Sibo makhiam ga wang padam lukhai mai niudi chapiu joubo Zaw niu apum kam masha khaibo khatdi sibo zaw sakbo gu kashabo lam ga sigasu expert dungniu lenkhaibo zaw gasu asin ra marabo kengpadbo nai shai mibo sigasu katam tambo kathiu kaniu padbo pariak si nkinkiu raleng hai aliu zaw jonbo khatdi taliubo hai pajai pathiak taliujiu situ majai jiu kam ra pageng bam me chiujiu dinne.

Manipur ga zaw kham bo hai effective thiulumakge sijengniu sibosung zaw sak sak suibo tingkum (legal drinking age) khatdi alcohol gu tajai si matid jiu tadkiusai wi nkiu sune chiujiu committee dungniu dinsan khaiye. Experts committee dungniu paliu gu presentation kaloiboga zaw jonrabo khatdi taliubo ga pathiak pajai taliu khaibo niu zaw khambo songdi wibi sune chiujiu dinne, khatdi paliuniu phiukapadbo official report pikhairabo sira pawan lujat khai sune chiu we.

State government niu tadmibo takum Ngenhiu 21 bonai zaw taliubo, sakbo khatdi jonbo khamkhamibo si state revenue wikhangra sigasu majimakbo zaw sakbo gasu apum kam masha bo si tamkiu mira leng lehkhai lan mi deh chiu dinne.

16th Finance Commission hai Govt niu 2023 lung ga taliu khai misune



New Delhi, kajinghiu 9:

Government of India niu 2023 lung ga 16th Finance Commission hai taliu khai jiu State nai Centre kakkiga tax ratio hai kajinghiu 1,2026 ga zaan miraye, sibo Commission gu members leng khatdi ToR (Terms of reference) leng taliu jiu bam me chiujiu official mainiu dinne. Finance Commission hai constitutional phom thiujiu Centre nai state gu financial relation lamga suggestion pikhai raye.

15th Commission hai NK Singh niu majangjiu Tax devolution ratio si 14th Commission niu Suggestion pikhaibo nai ncham jiu 42 percent ga kamkhai bibo we. Chiu jiu Central government niu Commission gu report si suikhaijiu sikumjiu state leng 2021-2022 gasu 2025-2026 Tax si 42 percent ga jan khai ye.

15th finance Commission niu fiscal deficit, state nai Union gu chapou khatdi state gu performance suisaijiu apuk rabo si di dinkhai bi ye. 2025-2026 gu GDP ga government niu Fiscal deficit hai 4.5 percent ga kam mana kiura matan bam me. tuhoiugu fiscal deficit hai 5.9 percent GDP leng khaijiu bam me, haisi tad mibo fiscal deficit 6.4 percent hai kanahhiu 31,2023 bonai loimibo we. PTI

Chalad N-bung

Thamzing pongnge = katingmai patham npuak mawi mibo tuwe.

Liangmai Orthography

2.2. SCHEMING OF WORD DIVISION

Lianglad gasu ariak raobo wan ga dechiujuu chaladriang ga lamrai (Word Boundary) si khai ra lo chiubo pathak haibo si, haibo Section ga lenkhaiye. Haiga palam mangiu thiujuu lenkhaiye. Haibo Guideline kenjuu bam mai, haiga lenkhaibo palam ma-ngiu ronna makge chiubo sikhai ra bamme. Sibodung ra haibo Guideline Revision kam lanbo wan ga phuine.

2.2.1. CASE MARKERS

Case Marker chiusai Grammatical laddkeng dung, paronna laddkeng thiujuu chap ngam makbo dung tu dinbowe. Case Marker kariu bamme. Sisi ra: niu, tu, ga, gu, gasu, niu/khuilujuu, nai, leng, lam, katangnge. Haibo laddkeng dung gu tenkam ndelo sai, chaladriang (Sentence) ga Noun nai Verb tu rat taruangkhaibo ngam si kamme. Pahangga haibo laddkeng dung tu Sentence ga dechiujuu zu npek/npiak ra lo, mak sai khai taruang ra lo chiubo lengkhaiye. Personal Pronoun“ Indefinite Pronoun“ Noun (animate)“ Agent Marker -niu“Noun (inanimat e) -niu“ Iniu paniu paliuniu aliuniu anainiu nangniu naliuniu“ mainiu khangkhat niu souniu mathiuniu“ Chakui niu Lungtho nbou niu Tingwan g niu“ Tatukang niu Chamii niu“Pasai niu

19th Sunsilk Mega Miss North East ga Manipur maipui Chanchui khatdi Nirupama tathuan doulu we

Guwahati, kajinghiu 8:

Mega Miss North East contest ITA Cultural Complex, Mechkhowa ga tadkiubo tenrang hai North East India g gu di kachangbo Beauty pageant ye, Mega Miss North East niu linsu khaibo tingkum 19th gu Mega Miss Beauty pageant ga Assam maipui Neha Baruah, sigasu Manipur gasu Chanchui Khayi khatdi Nirupama Devi niu Kangambo pirun hai doulude. Siga North East ga kabam bo state 8 gasu contestant 80 niu Guwahati ga wangjiu joukhaiye.

Burma Camp Dimapur ga chamih toupad jiu khangkhat shaimi de



Dimapur, kajinghiu 9:

Dimapur ga chamih hai kajinghiu 9 bonai toupad jiu khang khat tu rushat mide khatdi mania wajiu ru masha mi de. Chamih hai Burma Camp's East Block ga 11:30 am kumbo ga toupadbo we chiujuu dinne. Siga mapui takum 85 tingmibo G sakia tu chami niu rushat mi de. Fire station (central) ga wangchak 12:09 pm kunga dinwang jiu siga fire truck madai majangjiu meng chami matah khaiye sigasu fire station (west) khatdi chummoukedima fire station lamsu di kasia wangsang khai ye, LPG bung rammai puak padbo gasu di chamih toubo hai tanh miji wangchak 3 kumbo chamii hai mataa khaiye chijuu firefighter dungniu dinne. chiujuu Central fire station gasu firefighter khangkhat sidi LPG bung puakpadbo pakiak niu papi ga kam ajam khaiye chiu jiu dinne.

ADMISSION OPEN FOR 3 MONTHS TRAINING COURSE
Age Groups: Grassroot, Under 15, Under 18

COACH
AWARAJIT KHATDI (NIE)
All India Sports Authority of India since 2003
Top Scorer & Best Player

COACH
NINGTINGBOU PAMA (Langmai)
Liangmai Sport Association (LSA) 2023
Best Player

- Registration haii 15th April, 2023 katang pinne.
- Training haii 20th April, 2023 ganiu bou we.
- Registration haii khang khat pum ga Rs. 1000/- lunne.
- Form Langmai khatdi Palam Sisan khai mimai Dukan (Senky. Computer Work) ga palam Sisan.

PIULONG MEADOW CUM PENNIA WILD MUSHROOM FEST 2023
25th-26th April, 2023

Chief Guest & Brand Emissary for Nature and Tourism
Dr. Alyson Abonmai
Intending candidate for Outer Manipur Parliamentary Constituency

Ambassador
~Save Piulong Meadows~
Wangraibou Ngonmai
Director
Lungsiat Ministry

Organised by:
The Makuilongdi Express
In collaboration with Piulong V/A, LNC, LNKR, LPNR,
Save the River Foundation & Liangmai Nature Club

Theme: Piulong, Tamei, Tamenglong, Manipur
Preserve Nature, Celebrate Nature

PIULONG MEADOW CUM PENNIA Wild Mushroom FEST 2023
25th-26th April, 2023

Salam Rajesh
Member, Commission on Environmental Economic & Social Policy, IUCN
Topic: Conservation of Biodiversity and Wildlife for Future

Nampibou Marinmai
Joint Director, Ministry of Defence, 601
Topic: Tourism Industry is an Engine of Economic Development

Mani Charenmai
Former MP
Topic: Sustainable Resources Management to Mitigate Climate Change

Witoubou Newmai
Editor, NNN
Topic: Media & Society

Piulong, Tamei, Tamenglong District, Manipur

Mathen Cham

India gu mapuimai gu team niu AFC Women's Olympic Qualifiers gu Round 2 ga gut mi de



Bishkek, kajinghiu 8:

India gu maipuimai football team niu ndengkhaibo Kyrgyz Republic tu 4-0 ga ngamjiu palon nia thiujuu Inida mainiu ngamlu mide, chiujuu wangkinbo 2024 AFC women's Olympic Qualifying tournament gu round 2 ga gut mide. karai gadi India niu 5-0 ga ngamkhaimibo we.

Sangai Exp.